

Responsione, vel in Causis §. 2. exceptis duplica a die insinuatae sententiae computandus totus decurrito.

§. 67.

Quod de Evictione statutum est, idem & de ulteriori Evictione per Evictorem nefors provocata, sive de superevictione intelligendum est.

§. 68.

Si ex Decisione Controversiae super Evictione appareat, eandem temere, ac solummodo Litis remorandae Causa interpositam fuisse, Jus esto adversario in Causa Principali Indemnitatem suam ob damna, e protractione Causae sibi enata, postulare.

CAPUT V.

De Reconventionione.

§. 69.

Reus Conventus, si justam Causam Actorem extraneum reconveniendi habere credat,

Re-

Reconventionem coram Judice, coram quo postulatus fuerit, instituere potest, & quidem tamdiu, donec super Actoris petitione finalis sententia lata sit, Actio tamen Reconventionis separato Libello proponi debet, neque a Reo cum Responsione sua confundi potest.

Respectu vero intraneorum hæc tunc duntaxat, dum de debito quopiam Pecuniario, unde unde promanante, ab utrinque agitur, locum habeat.

C A P U T VI.

De Jure, & Obligatione agendi, & excipiendi in Judicio.

§. 70.

Cuicunque Leges liberam res suas administrandi potestatem non circumscribere, ei integrum est, Jus suum adversus quemcunque in Judicio persequi, ac tueri.

§. 71.